

ԹԵՀՄԻՆԵ ՄԱՐՏՈՅԱՆ

ԿԱՐՄԵԼՅԱՆ ՄԻԱԲԱՆՈՒԹՅԱՆ ՆԵՐԹԱՓԱՆՑՈՒՄՆ ԻՐԱՆ

Կարմեյան միաբանությունն ստեղծվել է 12-րդ դարի երկրորդ կեսին, իսկ 13-րդ դարի սկզբին իր գործունեությունը տեղափոխել Եվրոպա¹:

Բարտող քահանան և իր տաս համախոհները հայտարարվեցին ճգնավորներ՝ հաստատվելով Կարմել լեռան վրա գտնվող Էլիասի (Էլիշահ) անունը կրող քարայրին կից: Կարմեյաններն իրենց համապատասխան էլիասից սերված՝ վերջինիս բնութագրելով որպես «կրակ, որի խոսքն այրվում էր ինչպես կերոն»²:

Հաշվի առնելով կրոնավորների վանական կյանքի համաը փորձ չունենալու փաստը՝ Երուսաղեմի սուրբ Ալեքսեոս հայրապետը (1206-1214թթ.), որն ապրում էր Աքրայում, 16 հոդվածից բաղկացած կանոնադրություն տվեց, որն, իրավամբ, համարվում էր միաբանների կյանքի ուղենիշը՝ առանձնանալով իր պահանջների յուրահատկությամբ (օրինակ՝ յուրաքանչյուր ճգնավոր պետք է բնակվեր իր սեփական քարայրում, կային որոշ սահմանափակումներ սննդի օգտագործման մեջ (պագելված էր մսի գործածությունը), կանոնակարգված էր պաս պահելը, չպետք է մոռանային, որ կյանքն անցողիկ է և այլն)³: Իրենց կանոնադրության համաձայն Կարմեյանները պետք է ապրեին միմյայն նվիրատվություններից հավաքված գումարներով, որն, ինչ խոսք, սակացուցում էր, որ նրանք պատկանում են մուրացիկ միաբանությանը, սակայն, հետագայում, խեղաթյուրելով իր իրական դեմքը, միաբանությունն աննախադեպ կերպով և ոչ բնականորեն հարստացում է՝ արժանանալով կաթոլիկ եկեղեցու հակառակորդների պարսավանքին և քննադատությանը⁴:

Այսօրինակ դրսևորումների հետևանքով 16-րդ դարի վերջին միաբանության շարքերը լքում են նույնիսկ նախկին վարչակարգի կողմնակիցները՝ պատմության մեջ մնալով որպես «բոկոտն» (Disalced) Կաղմելյաններ՝ խորհրդանշելով չքավորությունը:

Փաստորեն, տրոհվում է այսպես կոչված «Les Grands Carmes»-ն՝ վերամիավորվելով միայն 1876թ.⁵:

Հատկանշական է, որ դեռևս XI դարի սկզբին տեղի ունեցած այսպես կոչված «պապական հեղափոխությամբ» տարաբաժանվեցին աշխարհիկ և եկեղեցական իշխանությունները⁶: Հռոմի պապական եկեղեցին, տիրաճառելով Արևմուտքին, վճռել էր իր քաղաքական ձգտումներին հագույս տալ նաև Արևելքում՝ որդեգրելով «խաղաղ» ճանապարհով ներթափանցելու մանրագին մշակված ծրագիր: Այս առնչությամբ Ս. Գ. Լոգինսկին գրում է. «Կրոնական շղարշով ծալոված պապության քաղաքական նպատակները միշտ էլ հանդիսացել են իրենց գործունեության հիմնական լծակը»⁷:

Սրանից հետևում են մի շարք եզրակացություններ՝ Իրանը նպատակահարմար էր ոչ միայն որպես Հնդկաստան տանող առևտրական ճանապարհների վրա ընկած և հույճ մատակարարող երկիր, այլև հանդիսանում էր ռազմական և քաղաքական գործոն՝ դիմագրավելու համար Եվրոպային սպառնացող վտանգը⁸:

Դժվար չէ նկատել, որ Կարմեյյան, ինչպես նաև եվրոպական այլևայլ կաթոլիկ միաբաններ բավականին խելամիտ էին՝ բաց չթողնելու համար իրենց բազմաբնույթ շահերի իրականացումն ապահովող մեծ թափուկ առիթը: Պապերն, իրենց հերթին, բավականին զգոն էին և գիտակից իրենց գործելակերպը փոփոխելու մեջ՝ կապված Եվրոպայում ընթացող սոցիալ-քաղաքական հարաբերությունների հետ: Վատիկանի քաղաքական գործունեությունն անվանելով հակաժողովրդական և իր հետադեմ նպատակների իրականացմանն ուղղված գործելակերպ, պապությանն անդրադարձած իր մի շարք աշխատություններից մեկում Շեյնմանը նկատում է Վատիկանի որդեգրած քաղաքականության բազմաբնույթ դրսևորումները, որոնց շնորհիվ հնարավոր է դառնում ժողովրդական լայն զանգվածների մեջ ներխուժումը՝ տարաբնույթ ձևերով ազդելով նրանց վրա և տարածելով իր հետադեմ քարոզչությունը⁹:

Շեյնմանը միևնույն ժամանակ գտնում է, որ կրոնական, մասնավորապես կաթոլիկ կազմակերպությունները հանդիսացել են «անսխալական» պապերի գաղութարարական քաղաքականության զենքը:

Ավելորդ չէ նշել, որ քարոզիչները, համաձայն իրենց գործելակերպի, նախապես ուսումնասիրում էին նպատակակետ ընտրված երկրի քաղաքական կարգը, տնտեսական դրությունը, կենցաղը, մշակույթը և Իրանի վերաբերյալ այդ տեղեկատվությունն օգտագործում ի նպաստ իրենց առաքելության¹⁰:

«Պապությունն, ըստ էության, չունի իր նախկին հզորությունը, ինչպիսին ներկայանում էր 13-րդ դարում», - իրավացիորեն նշում է պրոֆեսոր Ս. Արխանգելսկին, - «սակայն կաթոլիկության հետադիմությունը 16-րդ դարի կեսին և 17-րդ դարում մասամբ ամրապնդեց պապական դիրքը»¹¹:

Այս ամենը հիմք է տալիս ենթադրելու, որ տվյալ դեպքում, ըստ հակիրճ նկարագրի, միաբանությունը դարձավ պապության քսոդաքական նպատակների զենքը:

Հաշվի առնելով եվրոպական արդյունաբերության համար հումքի աղբյուր հանդիսացող երկրի նպատակահարմարությունը և այն հանգամանքը, որ ձգտում էին տիրանալ իրանական շուկային և միաժամանակ օգտագործել Իրանը որպես «ընդհանուր թշնամու» դեմ պայքարի լավագույն դաշնակցի, իրականացրեցին կաթոլիկ միաբանների ներթափանցումն Իրան:

Պապի կարգադրությամբ միաբաններն ամբողջ աշխարհում պետք է կուսանոցներ հիմնեին, որն իրականացվեց ոչ միայն Մերձավոր Արևելքում, Իրաքում, Հնդկաստանում, այլև՝ Չինաստանում և Ամերիկայում:

Հարևաններին «մաքրագործելու» և «անհավատների» սրտերը շահելու նպատակով միաբաններն ի սպաս դրեցին հավատի, բարեպաշտության և սուրբ կյանքի վերաբերյալ իրենց գիտելիքները: Կարմեյսանների անչափ բարության և վարվելակերպի գերազանց դրսևորումների մասին հիշատակում է Շլեզվիգ-Հոլշտայն պետության դեսպանության քարտուղար Ադամ Օլեարիխուն Իրան կատարած ճանապարհորդության ժամանակ¹²: Սա զարմանք չի առաջացնի այն պարզ պատճառով, որ Կարմեյսանների գործունեության հաջողության գաղտնիքը թաքնված էր նրանց «օձը բնից հանող» քաղցր լեզվի մեջ, որով, փաստորեն, կարողանում էին չարժեղ «անհավատների» սրտերը:

Այսպես, Կարմեյսան հայրերի առաքելությունն Իրան իրականացվեց Հռոմի Պապ Կլեմենտ VIII-ի¹³ նախաձեռնությամբ և աջակցությամբ:

«Իմամների ինքնակալ շառսվիդները, զինելով իրենց բռունցքը, նվաճեցին Պարսկաստանի բաժան-բաժան մասերը, հիմնեցին իրենց թագավորությունը», - այսպես է բնութագրում Լեոն Սասանյան հարստության անկումից ինը հարյուր տարի անց վերոհիշյալ հարստության սահմանների մեջ հարություն առած Սեֆյան աղբյալատոհմը¹⁴:

Սեֆյան շահ Աբբաս Առաջինի գահակալության տարիներն առանձնանում են նրանով, որ հենց նրա օրոք Կարմեյսան միաբանության առաջին առաջնորդ Պոլ Սայմընը և իր ուղեկիցները, ժամանելով Իրան, հաստատվեցին Սպահանում 1607 թ. վերջին¹⁵: Շահ, որի քաջության մասին լուրը որպես հաջողակ պատերազմողի, հասել էր Հռոմ: Նմանօրինակ վերաբերմունքի դրսևորում է նաև հետևյալ հիշատակումով. «Սույ յոյժ խոհեն ի գործս թագաւորութեան և յաղթող ի պատերազմի»¹⁶:

Դեռևս 1592թ. սեպտեմբերի 30-ին Կլեմենտ Պապը շահին հրավիրել էր միանալու քրիստոնյաների լիզային ընդդեմ թուրքական սուլթանի: Այս իրադեպի հետաքրքիր լրացում է նաև նրա գրառումը, որտեղ Պապը սարսափելիորեն մերկացնում և պարսավում է թուրքերի բռնակալին՝

անվանելով նրան «... սարդ՝ բոլորից սմենահիմարը, որքան մեր, նույնքան ձեր և բոլոր լավ մարդկանց թշնամին»:

«Հաղթանակն անխուսափելի կլինի,- գրում է Պապը, եթե ամենակարող Աստված պատժի այդ երիտասարդին իր գործած մեղքերի համար. և որ բոլոր կողմերից հսկայական բանակներ գրոհեն այդ հրեշի վրա¹⁷»:

Այսուհանդերձ, պետք էր նկատի ունենալ, որ Թուրքիան, ինչպես իրավամբ նշում է Վ. Բայբորոդյանը, տակավին XVI դարի սկզբին ձեռք բերելով լուրջ հաղթանակներ և նվաճելով հսկայական տարածքներ, վեր իր ածվել Մերձավոր Արևելքի խոշորագույն պետության և արևմտյան քրիստոնյաների համար վտանգ էր ներկայացնում¹⁸:

1607թ. անգլիական դեսպան Հենրի Լեյոն, վերադառնալով հայրենիք, այն միտքն է զարգացնում, որ «Թուրքիան անկում է սալլում և արևմտաեվրոպական երկրներին դժվար չի լինի վճռական հաղթանակ տանել»¹⁹:

Դեռևս 1939թ. Լյուդրոնում հրատարակված ամանուն հեղինակի երկու հատորանոց ստվարածավալ և արժեքավոր աշխատության մեջ եվրոպական միապետների և, մասնավորապես, Հռոմի պապերի և պարսից շահերի միջև բազմաբնույթ մամակներից մեկն իրագրելում է շահ Աբբասի քրիստոնյաների նկատմամբ բարյացկամ վերաբերմունքի մասին. «Կղեմենտ Պապից պարսից ամենագուր և մեծամուն թագավորին: Թեպետ երբևիցե չենք տեսել, այնուհանդերձ, բազմիցս լսել ենք ձեր հերոսության, արքայավայել մեծահոգության և Աստծու շռայլած բազում շնորհների, այդ թվում՝ քրիստոնյաների նկատմամբ ձեր բարյացկամության և հարգանքի, ինչպես նաև ձեր թագավորությունում եկեղեցիներ կառուցելու և քահանաներ փնտրելու մասին»²⁰:

Սկզբունքորեն կարևոր նշանակություն է ձեռք բերում այն հանգամանքը, որ թուրքերի դեմ դաշինք առաջարկելով Պապին և եվրոպական կաթոլիկ պետություններին՝ շահ Աբբասն, իր հերթին, պատրաստակամորեն էր հայտնում «եվրոպական առևտրականների ու քարոզիչների առջև բացելու Իրանի հյուրընկալ դռները՝ հատկացնելով նրանց ամեն տեսակի պաշտպանություն, առանց որևէ խտրության նրանց և տեղացիների միջև»²¹:

Շահի այսօրինակ դրսևորումներից է նաև Ռաֆայել դյու Մանի դը Կուլբերին գրած մամակը, որում դյու Մանը հետևյալ կերպ է զարգացնում իր միտքը. «... Պարսկաստանն իրեն ճանաչել է տալիս օտարերկրացիների մոտ՝ շնորհիվ նրանց նկատմամբ Շահ Աբբաս Առաջինի լավ վերաբերմունքի. նա ամեն գնով ուզում էր ֆրանկների հետ դաշնակցել և դա էլ պատճառ եղավ, որպեսզի Պապի մամակներով խտալացի սուրբ Կարմելիտ հայրերը ժամանեն այստեղ՝ որպես միսիոներներ բնակվելու համար»²²:

Այս առումով բավականին հետաքրքիր գրառում է թողել նաև Ավգուստինյան քարտզիչ Անտոնիա դե Գուվեան. «Բոլոր քրիստոնյա իշխանությունների մոտ դեսպանություններ ուղարկեց՝ նրանց միացնելու ու թուրքերի դեմ համատեղ պատերազմ սանձահարելու համար այն հաշվով. ով վերջինները զբաղված լինեն երկու կողմից՝ Եվրոպայից ու Ասիայից և այդ միջոցով նա կարողանա վրեժ լուծել իրենց հասցված վիրավորանքների համար և վերանվաճել այն քաղաքներն ու ամրությունները, որանք կորցրել էին իրենց նախնիները»²³:

Հասնելով որոշակի օգնության բանակի վերակազմավորման հարցում և ձգտելով Եվրոպայի հետ հետագա հարաբերությունների հաստատմանը՝ Աբբաս Առաջինը 1599թ. հայտարարեց իրանում քրիստոնեության դավանման ազատության մասին և դիմեց Կլեմենտ VIII Պապին իրան մշտական դեսպանություն ուղարկելու խնդրանքով: Սա, թերևս, մեծ ոգևորություն առաջացրեց Պապի մոտ, որի իրական առիավատչյան 1604թ. Սպահան ուղարկված բոկոտն Կաբմեյանների քահանաներից կազմված խումբն էր:

Ենթադրվում էր, որ Կաբմեյանները Եվրոպա կվերադառնային շահ Աբբասի մահից հետո, որի մասին խոսվում է Հոմմից 1631թ. հղված գեկուցագրում, մինչդեռ, Արևելքում նրանց մնալը բավականին երկար ձգվեց²⁴:

Հոռոմ ուղարկած հայր Պոլ Սայմընի գեկուցագրից տեղեկանում ենք. «Չերդ Սրբության ձեռքերում է ներկայումս բարեկամական հարաբերություններ հաստատել պարսից շահի հետ կամ ջարդել նրանց... Այն ամենն, ինչ կարող եմ տեղեկացնել, այն է, որ պարսից թագավորը շատ հզոր է. այլևս ոչ մի կարիք չկա, որ քրիստոնյա արքաներն օգնեն նրան, որովհետև նրա բանակն այնքան մեծ է, որ ի գորտ է միայնակ կործանել թուրքերին, քանզի նրա զինվորն ունի հազվադեպ կարողություն և բացառիկ շրջահայացություն»²⁵:

Դեռևս 1597թ. Էջմիածնի նվիրակ Հակոբ Համդեցի քահանան, ժամանելով Վենետիկ, գրություններ է հանձնում Հոմմի Պապին և գերմանակա կայսրի դեսպանին: Վենետիկի դուքսին նրա տված բացատրությունից տեղեկանում ենք, որ շահ Աբբասը (ինչպես նաև՝ վրաց թագավորը) խնդրում է Պապին աղոթել, որ ի վիճակի լինեն Թուրքիայի դեմ դուրս գալ, որպեսզի արևելյան քրիստոնյաների վիճակը թեթևացնելու համար միասնական հաղթանակ տանեն «ընդհանուր բշնամու դեմ»²⁶:

«Լատին կրօնաւորներ սկսած էին ցրուիլ զանազան զաւառներ, թե մարդ որսալու և թե անտէր ստացուածներ գտնելու...», - գրում է Մ. Օրմանյանը: Նա միաժամանակ գտնում է, որ միաբանները «Արեւելեան եկեղեցիներում տրուած հերժուածողի և հերետիկոսի կոչումներով ականջնին լեցած, միտքերը պղտորող գրոյցներով միամիտները կ'որսային»²⁷:

Նույն ժամանակահատվածում Իրանում տեղակայված էին մահ Ավգոստինյան, Կապուչինյան, Հիսուսյան միաբանները: Կարմեյանները և Կապուչինյանները իրենց գործունեությունն իրականացնում էին Սպահանում, Բենդեր-Աբբասում, Շիրազում, Թավրիզում:

Ավգոստինյանները կենտրոնացել էին Սպահանում, Դոմինիկյանները՝ Նախիջևանում²⁸:

Ղ-ժվար չէ նկատել, որ շուտով Աբբաս Մեծը փոխում է իր մոտեցումները բալյացկան վերաբերմունքը միաբանների նկատմամբ՝ կապված Գերմանիայի կայսր Ռուդոլֆ Երկրորդի օսմանյան սուլթանի հետ կնքած դաշինքի հետ²⁹:

Հարկ ենք համարում շեշտել, որ շահը ջանք չէր խնայում խորապես ուսումնասիրելու Կարմեյանների առաքելության իրական պատճառը:

Այս կապակցությամբ Պոլ Սալմընը հիշատակում է. «Շահը մի անգլիացու միջոցով հետաքրքրվում է մեր առաքելության բուն նպատակով: Նրան հատկապես հուզում է հայերի միավորման հարցը: Բայց երբ պատասխանը հնչում է, որ դրա համար չենք եկել, այլ՝ որոշ գործերով, շահը խոստանում է, որ շուտով կհրավիրի մեզ ունկնդրության»: Վերջիններս խորհուրդ է տրվում հայերի հետ կապված ոչինչ չքննարկել, քանի որ շահի դույզն-ինչ գալույթն անգամ ամեն ինչ կարող էր փչացնել³⁰:

Շահի հետ երկար սպասված համոզիչումն իրականացավ 1608թ. հունվարի 3-ին, ճաշից հետո: Հյուրերը ջերմ ողջույններ և թանկարժեք րնծաներ շուսյեցիմ շահին:

Պետք է հիշատակել մահ մի հետաքրքիր իրադեպ, երբ շահը պատահաբար բացում է Հին Կտակարանի այն էջը, որտեղ պատկերված էր Սուրբ Սիքայել իրեշտակապետը՝ թուրք ձեռքին, և ոտքերի առջև տապալված վիշապը: Այն հարցին, թե ի՞նչ է խորհրդանշում վիշապը, հնչում է պատասխանը. «Դա սատանան է»: «Ո՛չ», - ժխտում է շահը՝ ծիծաղելով և իր ուսի վրայից հայացք նետելով այդ երեկո ներկա գտնվող թուրք փաշաներին, - «Դա թուրքն է՝ սուլթանը»³¹:

Թուրքիայի դեմ պատերազմում համագործակցության հետ կապված ցայտուն օրինակներից է շահ Աբբասի մամակը՝ հասցեագրված Հռոմի Պապին. «Ինքնիշխան Պապը խոստացել է օգնել թուրքի դեմ պատերազմում: Եթե պահպանի իր խոստումը, ամենարմրունելի բանը կլինի, չնայած որ ես պատրաստ եմ պատերազմական գործողություններ սկսել լստ իմ հարմարության... Ձեզ մոտ եմ ողորկում իմ շատ սիրելի և երկար տարիների հավատարիմ ծառային՝ Ռ. Շըրլին, որպես արտակարգ դեսպան... Ինչ վերաբերում է իմ երկրի քրիստոնյաներին, ապա ես չեմ թերահամ մարդասիրություն և հովանավորություն ցուցաբերելու հարցում»: Մեկ այլ մամակում կրկին արծարծվում է վերոհիշյալ թեման, առաջարկելով՝ կամ կործանել, կամ հնազանդեցնել «ընդհանուր թշնամուն»։ «Ապագայում ես ոչ միայն այս ամենագարշելի ժողովրդի ախտ-

յանն ու անփութալիներէի թշնամին կլինեմ, այլև՝ ամենադաժան դահիճն ու կործանարարը»,- գրում է շահ Աբբասը³²:

Պետք է փաստել նաև, որ Աբբաս Մեծը հրամայել էր Հայր Պոլ Սոյմընին հեռանալ որքան հնարավոր է շուտ. իսկ նրա երկու ուղեկիցներին թույլատրել էր մնալ Սպահանում: Պոլ Սայմընը, դուրս գալով Սպահանից, անհրաժեշտութայն էր համարել իր ընկերակիցներին գրավոր ուղղություններ թողնել՝ կարևորելով այն հանգամանքը, որ վերջիններս փորձեն շահից ձեռք բերել Կարմեյլաննիի գործերին չմիջամտելու ստորագրված ե կնքված մի հրաման, բացի այդ, նրանք պետք է լիազորված լինեին երկրում ազատորեն շրջելու, ինչպես նաև պարբերաբար զեկուցագրեր հղելին Հռոմ: Պարսից շահը, հետամուտ լինելով իր խոստումներին, մեծախոգաբար, արքայական կալվածքին պատկանող մի ընդարձակ և հարմարավետ շինություն տրամադրեց Սպահանում տեղակայված Կարմեյլան սուրբ հայրերին³³:

Ռոբերտ Շլլիին հարկ է համարում Կլեմենտ VIII-ի հաջորդին՝ Պոլ V-ին իրազեկել շահի հետ համագործակցելու անհրաժեշտության մասին. «Երկար տարիներ աշխատելով պարսից շահի մոտ՝ ես, եղբայրս և ուրիշ կաթոլիկ քրիստոնյաներ տարբեր ապացույցներ վկայակոչելով՝ առաջ ենք քաշել քրիստոնյա արքաների հետ բարեկամության և համագործակցության կարևորագույն գաղափարը: Այն հարցին, թե որքանով արդյունավետ կլինի այս միությունը, համոզմունք ենք հայտնել, որ, անսոսնակելիորեն, խոստումնալից կլինի: Իսկ ինչ վերաբերում է քրիստոնեությանը, ապա պարսից շահը բնությունից մեղմ է և շատ բարյացկամ քրիստոնյաների նկատմամբ, մասնավորապես այն բանից հետո, երբ կնության առավ վրաց թագավորներից մեկի՝ Սիմոն խանի դստերը»³⁴:

Հատկանշական է, որ բացի վերոշարադրյալ փաստերից, արքունիքում շատ քրիստոնյաներ ևս տարբեր պաշտոններ էին զբաղեցնում, մասնավորապես՝ բանակում: Այս ամենը հիմք է տալիս ենթադրելու, որ շահի «քրիստոնյամետ» և հատկապես հակաթուրքական դիրքորոշումը պայմանավորված էր նաև Ալիի այն խոսքերով, թե «քրիստոնյաների բարությունը կարեկցությունից փուրս է, իսկ թուրքերի հավատքը՝ ամբողջովին ընդհակառակը»³⁵:

Հաստատվելով Իրանում՝ Կարմեյլանները եռանդուն կերպով սկսեցին յուրացնել պարսկերեն լեզուն, ուսումնասիրել Դուրանը:

Հեռատես հայր Ջ. Թադդեոսն այնքան էլ միամիտ չէր իրենց բուն նպատակի իրականացման հավաստիության հարցում այն պարզ պատճառով, որ, ինչպես ինքն է դիպուկ նկատում, «ամբողջ սրտով մահմեդական շահը» հազիվ թե զոհողությունների գնար: Ընդհակառակը, նա ինքն էր փորձում քրիստոնյա հայերին, ֆրանկներին և տարբեր ժողովուրդների մահմեդականացնել: Այս կապակցությամբ, չվարանելով նույնիսկ թուրքերին գերադասել պարսիկներից, Ջ. Թադդեոսը գրում է. «Սովորա-

բայր նրանք քրիստոնյաների հետ սեղան չեն նստում, ավելին, եթե պատահաբար որևէ քրիստոնյա դիպչի պարսիկի զգեստին, ապա վերջինս իրեն կհամարի կեղտոտված և կգնա լողաբան՝ «մաքրվելու»։ Պարսիկները հավասարապես չեն սիրում խտալացիներին, գերմանացիներին, իսպանացիներին՝ անվանելով նրանց «ֆրանկ»»³⁶։

Հարկ ենք համարում ընդգծել, որ պարսից շահի բավականին խելամիտ էր հասկանալու համար, որ քրիստոնյա թագավորներն ու Պապը ցանկանում են «ուրիշի ձեռքով կրակից շագանակ հանել» և որ չափազանց պասիվ են պատերազմելու համար, որն, ըստ ամենայնի, սուր ծայրով կարող էր ուղղվել «իդ տաքուկ գրկում հայտնված» Կարմեյանների դեմ, ուստի հայր Ջ. Թադևոսը, ժամանակին ըմբռնելով իրավիճակի լուրջությունը և շահի զայրույթը մեղմելու նպատակով փորձում է մեղքը զցել Պապի վրա՝ հույս հայտնելով, որ վերջինս շուտով կբավարարի իր պահանջները։

Սակայն շահն այդ «ոչ հիմնավոր» պատճառաբանությունները որակեց որպես «սին ու կեղծ խոսքեր»։

Այսօրինակ դրսևորումների վկայություններից է նրա բավականին խիստ զգուշացումը. «Արդեն ժամանակն է թուրքերի դեմ պատերազմի և եթե մոտակա չորս ամսվա ընթացքում քրիստոնյաները գորքեր դուրս չբերեն թուրքերի դեմ, ապա ես կխզեմ կապն այն ընկերների հետ, ովքեր ստում են և լոկ բառեր են ասում»³⁷։

1615թ. սեպտեմբերին տրված Աբբաս Առաջինի ֆարմաններից (հրաման) մեկը վերաբերում է Կարմեյան հայրերի տեղակայմանն Իրանում։ Այս ֆարմանում հիշատակվում է, որ հարգաբաժան Ջուսն և Ռեդեմպտո հայրերը ազատ են հաստատվելու իրենց նախընտրած վայրում՝ միաժամանակ խոստանալով նրանց պատիվ և հարգանք³⁸։

Այսպիսով, ուսումնասիրելով շահ Աբբասի իրարամբեծ քաղաքականության յուրահատկությունները, գալիս ենք այն համոզման, որ նա պատրաստ էր գործել այնպես, ինչպես իր երկրի շահերն էին պահանջում և հանուն երկրի բարօրության «միջոցների մեջ խտրություն չէր դնում նպատակին հստակելու ճանապարհին»։

Իտալացի կրոնավոր Դիմասը բավականին դիպուկ բնորոշում է տալիս. «Շահի Աբբասը կամ ամենախոթամանկ մարդն է աշխարհում, կամ մի մարդ է, որին Աստված նախասահմանել է քրիստոնյա դառնալ»։ Այս պարագայում իր յուրօրինակ հնչեղությունն է արտահայտում ոչ պակաս կարևորություն ներկայացնող ևս մի օրինակ, որ հիշատակում ենք ստորև։

«Շահ Աբբասի կողմից նախաճաշի հրավիրված Կարմեյան հայր Ջ. Թադևոսը, ներկայացնելով պարսկերեն թարգմանված Սաղմոսների գիրքը, նկատում է, թե ինչպիսի նվիրվածությամբ է շահը համբուրում այն. ապա դնում իր գլխին և այնուհետև հրամայում պահել պահարս-

նում՝ ավելացնելով. «Ով որ չի հավատում Սաղմոսների գրքին և Ավետարանին, անհավատ է»: Տեղին է նշել, որ վերջինս այս միտքը կրկնել է մաս մեկ այլ առիթով՝ խոջա Սաֆարի տանը, երեք կաթոլիկ քարոզիչների ներկայությամբ⁴⁰:

Շահ Աբբասի Կարմեյլյան ներկայացուցիչների նկատմամբ վերաբերմունքի փոփոխությանը հանդիպում ենք կրոնավորների 1621թ. սեպտեմբերի 8-ին Հոռոմ հյուսիս մի նամակում. «Մենք ամենամեծ բռնակալի երկրում ենք, որ եկեղեցին երբևէ ունեցել է մինչ օրս: Մեթոդները վերցված են դժոխքից: Մեր ժամանումից ի վեր ստրկացվել է 39 գյուղ, քրիստոնյա կանանց բռնությամբ կնության են տվել մահմեդականներին և հակառակը...»⁴⁰:

1622թ. գարնանը քարոզիչները կանգնեցին լուրջ սպառնալիքի առաջ. շահն անլուր հալածանքների էր ենթարկել Կարմեյլյանների կողմից մկրտվածներին:

Թեպետ բավականին դժվարացել էր Կարմեյլյանների վիճակը, այնուհանդերձ, այս պայմաններում ևս նրանք չէին դադարեցնում «ճշմարիտ կրոնի» լույսի սփռումն անհավատների վրա:

Չարմանալի չի թվա, եթե նշենք, որ մեզ հասած տեղեկությունների համաձայն, Կարմեյլյանները որոշակի հաջողություններ ձեռք բերեցին 1624-1625թթ. Բասրայում: Ակնկալվող հաջողություններ էին սպասվում մաս Շիրազում այն պարզ պատճառով, որ խանն ինքն էր ակնարկել այնտեղ Կարմեյլյանների հաստատման բուռն ցանկության մասին: Նախատեսվում էր ներթափանցել մաս Լուրիստան⁴¹:

Այսպիսով, ներթափանցելով Իրան, Կարմեյլյան հայրերը՝ «զամենայն հեթանոսս աշակերտելու» քրիստոսավանդ պատգամով և մախանձախնդրությամբ, կանգ չէին առնում վերոբերյալ լուրջ խնդիրների առջև՝ հավատարիմ Քրիստոսի՝ իր առաքյալներին հանձնած վերջին պատգամի. «Գնացե՛ք այսուհետեւ, աշակերտեցե՛ք զամենայն հեթանոսս»⁴²:

Ընդհանրացնելով վերը շարադրվածը՝ հարկ ենք համարում շեշտել, որ Իրանի հետ քաղաքական և տնտեսական մերձեցման, Թուրքիայի դեմ տարածաշրջանում հզոր դաշնակից ձեռք բերելու հեռանկարով իրականացվեց Կարմեյլյան միաբանների ներթափանցումն Իրան: Երկիր, որն իր ներքաղաքական հարցերի կարգավորման, ինչպես մաս տնտեսական լայն հնարավորություններ ստեղծող եվրոպական շուկա ելք ունենալու համար հակված էր Հոռոմի հետ ամենաակտիվ վտիշփումների:

Հոռոմի և Իրանի միմյանց չզիջող դիվանագիտական մամուլումներն ըմբռնելու համար հարկավոր չէ շատ հեռանալ: Կրոնաքարեզայծական շղարշի ներքո հայտնված Կարմեյլյաններին գրկաբաց ընդունելով իր երկրում՝ շահը գիտակցում էր, թե երբ պետք է կանգ առնել: Այս առումով հետաքրքրական է այն հանգամանքը, որ փորձելով օգտագործել կաթո-

յիւս միաբաններին ներթափանցումն Իրան, շահը, միաժամանակ, հասկանում էր, որ հարկավոր է ապավինել միմիայն իր ուժերին:

Այսպիսով, «անհավատներին», այլադավաններին դարձի բերելու, մաքրագործելու յիմակով հայտնված Կարմելյան միաբանները, որոնք, ի դեպ, հայտնի են ոչ միայն «ճերմակ վանականներ», «Էլիասի բոկոտն Կարմելյաններ», այլև «իտալական միաբաններ» անվամբ՝ հովանավորված և ուղարկված հատուկ հանձնարարականով, կարողացան ներթափանցել և հաստատվել Իրանում:

TEHMINÉ MARTOYAN

THE PENETRATION OF THE ORDER OF CARMELITES INTO IRAN

It was asserted that Elias (Elijah) established a community of hermits on Mount Carmel.

The historical origin of the Carmelites must be placed at the middle of the 12-th century, when a crusader named Berthold, and his ten companions established themselves hermits near the cave of Elias on Mount Carmel. About 1210 hermits on Carmel received from Latin patriarch of Erusalem, a rule comprising 16 articles.

The Discalced Carmelites spread all over Catholic Europe, then to East, especially Iran and India. Pope Clement VIII found necessary and desirable to send his own representatives to Iran.

So, Congregation took up missionary work among the infidels. Thus, the Popes were eager to realize their political purposes, for instance, uniting forces against "the common enemy"-Turkey.

The shah also offered his friendship and goodwill to all Christian princes against the turks. On 30. 09. 1592 Pope Clement VIII wrote a brief dealing the vary league against sultan.

The departure of the first Carmelites from Rome was in 1604. The latters arrived in Persia at the end of 1607.

It is clear, that the the departure of the Carmelites was dictated with political purposes of the Catholic Rome. But the shah was very clever to understand the profits of his country.

ԾԱՆՈԹԱԳՐՈՒԹՅՈՒՆՆԵՐ

1. St'u Encyclopaedia Britannica, v. IV, Chicago, London, Toronto, 1961, p.888, The Cambridge Medieval history, v. VI, Cambridge, 1936, p.757, دکتر مریم میراحمدی، دین و دولت در عصر صفوی، تهران، ۱۳۹۱، ص. ۱۰۳.
2. St'u Charles L. Souvay. The Catholic Encyclopedia, v.V, <http://www.newadvent.org/cathen/05381b.htm>
3. St'u The Carmelite Order, The Catholic Encyclopedia, v.III, <http://www.newadvent.org/cathen/03354a.htm>, P. I. Moriones, Theresian Carmel, Pages of history, Rome, 1978, p. 2, <http://www.ocd.pen.net/histo-1.htm>

4. Տիւ Շմենովա Լ. Ա., Орден кармелитов как орудие проникновения европейцев в Иран, М., 1962, с.94, Տիւ նախ' 104. و دولت در عصر صفوی، ص. دکتر مریم میراحمدی، دین
5. A Chronicle of the Carmelites in Persia and the Papal Mission of the XVII-XVIII centuries, London, 1939, v.I, p.8 (այսինքնակ' "A Chronicle of the Carmelites"), Շմենովա Լ. Ա., նշվ. աշխ., էջ 94:
6. Տիւ Յոնովա Լ. Յ., Дипломатическая служба Италии, Дипломатия иностранных государств, М. 2004, с.103.
7. Լոզինսկի Տ. Գ., История Папства, М., 1986, с. 40., Թեր-Ավետիսյան Տ. Յ., Город Джуга, материалы по истории торговых сношений джугульфинских купцов XV-XVII вв., Тбилиси, 1937, с.2.
8. Տիւ Բայբուրթյան Վ. Ա., Նոր Ջուղայի հայկական գաղութը և կարողիկ միսիոներների կազմակերպությունները, ՀԽՍՀ ԳԱ «Տեղեկագիր». 1964. N9, էջ 39, Տիւ նախ' Բայբուրթյան Վ. Ա., XVII դ. Արևելյան Հայաստանում կարողիկ միսիոներների գործունեության պատմությունից, ՊԲՀ, Ե., 1989, 1(124), էջ 148. Байбуртян В. А., Армянская колония Новой Джульфы в XVII веке, Е., 1969, с.121.
9. Տիւ Շեյնման Մ. Մ., Ватикан и католицизм на службе международной реакции, М., 1954, с.14.
10. Տիւ Շեյնման Մ. Մ., Краткие очерки истории папства, М., 1952, с. 29-30, Շեյնման Մ.Մ., Папство, М. 1961, с. 39-40, 47, Байбуртян В. А., Армянская колония Новой Джульфы в XVII веке, с.121-122.
11. Архангельский С., Отношения Англии с протестантской и католической Европой(1654-1658), "Вопросы Истории", N1, М., 1946, с. 114.
12. Տիւ "A Chronicle of the Carmelites", p. 10, Adam Olearius, The travels of Olearius in seventeenth-century Persia. <http://depts.washington.edu/uwch/silkroad/texts/olearius/travels.html>
13. Կլեմենտ VIII Պապը (Ippolito Aldobrandini) ծնվել է 1536թ. մարտին, Ֆանդոյում(Ֆլորենցիա), պապական իշխանության անցել 1592թ. հունվարի 30-ին: Սահագել է 1605թ. մարտի 5-ին, Հռոմում:
14. Լեո, Երկերի ժողովածու, հ. III, գիրք I. Ե., 1969, էջ 45, 171, Сайид Али Муджани, Иран, Тегеран, 2002, с.78, 1308 - 1307. ساله ایران، تهران، 1373، جلد سوم، ص. عبدالعظیم رمادی، تبیخ ده هزار
15. Տիւ "A Chronicle of the Carmelites", p.66.
16. Հակոբյան Վ. Ա., Սուրբ Ժամանակագրություններ XIII- XVIII դդ., հ. II, Ե., 1956, էջ 428:
17. "A Chronicle of the Carmelites", p.69.
18. Տիւ Բայբուրթյան Վ. Ա., Թուրք-իրանական հարաբերությունները (1900-1914թթ.), Ե., 1974, էջ 5:
19. Черняк Е. Б., Вековые конфликты, М. 1988, с.18, Տիւ նախ' Байбуртян В. А., Армянская колония Новой Джульфы в XVII веке, с. 9.
20. "A Chronicle of the Carmelites", p.84-85.
21. Հովհաննիսյան Ա. Դավազներ հայ ազատագրական մտքի պատմության, գիրք II, Ե., 1959, էջ 112:

22. Զուլալյան Մ. Կ. Հայ ժողովրդի XIII-XVIII դդ. պատմության հարցերը ըստ եվրոպացի հեղինակների. գիրք Ա, Ե., 1990, էջ 294-295:
23. Քաղվածքը՝ նույն տեղում, էջ 135:
24. Տե՛ս "A Chronicle of the Carmelites", p.66, 107.
25. Նույն տեղում, էջ 98:
26. Տե՛ս Հովհաննիսյան Ա., նշվ. աշխ., էջ 78:
27. Մեջբերումն ըստ՝ Օրմսնեան Մ., Ազգապատում, Սասն Բ, Կ.Պոլիս, 1914, էջ 2302, 2643:
28. Տե՛ս Missionary researches in Armenia, London, 1834. p. 355.
Տե՛ս նաև՝ ١٥٥-١٥٣ من مذكرات ميراحمدى دين و دولت در عصر صفوى: ص.
29. Տե՛ս Դանեղյան Լ.Գ., Շահ-Աբբաս Ա-ի կրոնական հանդուրժողական քաղաքականության հարցի շուրջը, «Մերձավոր և Միջին Արևելքի երկրներ և ժողովուրդներ», Իրան, հ. IV, Ե., 1969, էջ 76:
30. "A Chronicle of the Carmelites", p.123.
31. Նույն տեղում, էջ 124:
32. Նույն տեղում, էջ 131-132:
33. Տե՛ս նույն տեղը, էջ 135, 143:
34. Տե՛ս "A Chronicle of the Carmelites", p. 152-153.
نصرالله شاه عباس اول، جلد ١-٢، تهران، ١٣٧١، ص. ٥٧٠-٥٧٣.
- Տե՛ս նաև՝ Դավրիժեցի Ա., Պատմություն, Ե., 1988, էջ 61-62:
35. "A Chronicle of the Carmelites", p.153.
36. Նույն տեղում, էջ 164 -165:
37. Մեջբերումը՝ նույն տեղում, էջ 176:
38. Տե՛ս նույն տեղը, էջ 217:
39. Նույն տեղում, էջ 241, 245:
40. Տե՛ս նույն տեղը, էջ 258, 260, 262, 264:
41. Տե՛ս նույն տեղը, էջ 277:
42. Քաղվածքն ըստ՝ Գարեգին Բ. Կաթողիկոս, Հայաստանեաց եկեղեցին իր «ծառայական կերպ»-ին մեջ, Ամթիլիաս, 1994, էջ 115, Տե՛ս նաև՝ Աստվածաշունչ, Ավետարան ըստ Մարկոսի, 16:15-74: